

საქსელო მოწყობილობების შესყიდვა



სატენდერო დოკუმენტაცია

CPV 3242000

წინამდებარე დოკუმენტაცია შედგენილია 2011 წლის 07 აპრილის სახელმწიფო შესყიდვების სააგენტოს თავმჯდომარის № 9 ბრძანებით დამტკიცებული, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

თარიღი 14.05.2013

ქ. თბილისი

სარჩევი

- [1.](#) ინსტრუქტაჟი გამარტივებულ ელექტრონულ ტენდერში მონაწილეობის მისაღებად
- [2.](#) ტექნიკური დოკუმენტაცია.
- [3.](#) სახელმწიფო შესყიდვების შესახებ ხელშეკრულების პროექტი
- [4.](#) აფიდავიტის საილუსტრაციო ფორმა

ინსტრუქტაჟი

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. პრეტენდენტს არა აქვს უფლება წარმოადგინოს ალტერნატიული წინადადება.
- 1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მისამართი: თბილისი, გორგასალის ქ. 24, I სართული, ოთახი №103. საკონტაქტო პირი: გიორგი პაპავა: ტელ: 2 40 59 17, 599 51 21 31 ელ.ფოსტა: gpapava@justice.gov.ge
- 1.9. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართში. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

ტექნიკური დოკუმენტაცია

2.1 პრეტენდენტის მიერ ატვირთულ უნდა იქნეს მისი რეკვიზიტები სრულად.

2.2 პრეტენდენტმა უნდა წარმოადგინოს სისტემის მეშვეობით ფასების ცხრილი.

2.3. მე-5, მე-6 და მე-7 პოზიციებზე მყოფი საქონლის მიწოდება უნდა განხორციელდეს ხელშეკრულების გაფორმებიდან არაუგვიანეს 30 კალენდარული დღის ვადაში, ხოლო დანარჩენი პოზიციების არაუგვიანეს 5 კალენდარული დღის ვადაში.

2.4. საქონლის მიწოდება უნდა განხორციელდეს შემდეგ მისამართზე: ქ. თბილისი აბაშიძის ქ. № 68.

2.5. ანგარიშსწორება განხორციელდება მიღება-ჩაბარების აქტის გაფორმებიდან 30 კალენდარული დღის განმავლობაში. წინასწარი ანგარიშსწორების პირობები არ განიხილება.

მისაწოდებელი საქონლის აღწერა

კომპუტატორზე, მარშრუტიზატორზე და აქსეს პოინტზე პრეტენდენტმა კომპანიამ უნდა წარმოადგინოს მწარმოებლის ავტორიზაციის ფორმა.

პრეტენდენტმა კომპანიამ უნდა უზრუნველყოს 1 წლიანი დაშვება ოპერაციული სისტემის განახლებაზე (Firmware-ზე) მარშრუტიზატორისათვის.

მოწოდებულ საქონლეს უნდა გააჩნდეს მინიმუმ 1 წლიანი გარანტია.

1. 48 ცალი პაჩკორდი UTP

სიგრძე 0,3მ-დან 0,5 მ-მდე

ტექნიკური მახასიათებლები - CAT 5E (ქარხნული წესით დამზადებული)

2. 48 ცალი პაჩკორდი UTP

სიგრძე 3მ

ტექნიკური მახასიათებლები - CAT 5E (ქარხნული წესით დამზადებული)

3. დენის გამანაწილებელი რეკისათვის ამომრთველით

თავსებადი 19' რეკთან

დასაერთებლის რაოდენობა მინიმუმ 6

მისაერთებლის ტიპი EUROPEAN "SCHUKO" სტანდარტი CEE7, DIN 49440

4. არამართვადი ქსელური კომპუტატორი (სვიჩი)

პორტების რაოდენობა 8

პორტების გამტარობა 10/100 Mb/s

5. უკაბელო წვდომის მოწყობილობა (WiFi) - მინიმალური პარამეტრები

ქსელური ინტერფეისი	10/100/1000BASE-T autosensing (RJ-45)
მენეჯმენტ კონსოლ ინტერფეისი	RJ45
ოპერატიული მეხსიერება	128 MB DRAM
ფლეშ მეხსიერება	32MB Flash
სტანდარტი	802.11g/n
multiple-input multiple-output (MIMO)	2.4 GHz, Gain 4.0 dBi
horizontal beamwidth	360 antennas
მოწყობილობის მართვა	კონტროლერიდან
მონაცემთა გადაცემის სიჩქარე	1, 2, 5.5, 6, 9, 11, 12, 18, 24, 36, 48, and 54 Mbps
მონაცემთა მაქსიმუმალური გამტარობა	300 Mbps
Cyclic shift diversity (CSD) support	
Maximal ratio combining (MRC	
ელ კვების მიღების შესაძლებლობა	ქსელური სვიჩიდან 802.3af
უსაფრთხოება	802.11i, WPA, WPA2, 802.1x

6. ქსელური კომპუტატორი (სვიჩი) - მინიმალური პარამეტრები

პარამეტრი	48-Port Switch
კომუტაციის გამტარუნარიანობა	16-gb/ps
ფლეშ მეხსიერება	32 Megabyte
ოპრატიული მეხსიერება	64 Megabyte
VLAN-ების მაქსიმალური რაოდენობა	64
VLAN იდენტიფიკატორები	4000
Maximum transmission unit(MTU)	9198 byte
Jumbo frames	9016 bytes
Forwarding Rate: 64-Byte Packet	13.3 mpps
ინტერფეისები	48 Ethernet 10/100 ports and 2 10/100/1000 uplinks and 2 SFP uplinks
პროტოკოლების მხარდაჭერა	Dot1q, RSTP, PVST+ , PAgP, LACP, CDP, VTP, DTP,
POE-ეს მხარდაჭერა	POE თავსებადი 48-ვე პორტზე
POE ძაბვა	370Watt

7. ქსელური მარშრუტიზატორი - მინიმალური პარამეტრები

Router	Cisco 1941
Integrated WAN Port	2 Integrated 10/100/1000 Ethernet ports

Routing Protocol	OSPF, EIGRP, BGP.
VPN's	DMVPN, Site-to-site, IPSEC VTI, Easy VPN Server/client, AnyConnect.
	VPN Hardware Acceselelator
High Availability Protocols	HSRP, GLBP, VRRP
FLASH Memory	256 megabyte
RAM	512 megabyte
Rack Height	2
Lan Port Installation	Modular LAN switchports (with optional Power over Ethernet) 50
Fast Switching	299,000PPS/ 153.08Mbps
VPN Performance	70 mbps
VPN License	No VPN bandwidth software restriction.
ინტეგრირებული WAN პორტი	2 Integrated 10/100/1000 Ethernet ports
მარშრუტიზაციის პროტოკოლები	OSPF, EIGRP, BGP.
VPN's	DMVPN, Site-to-site, IPSEC VTI, Easy VPN Server/client, AnyConnect.
	VPN Hardware Acceselelator
მაღალი მდგრადობის უზრუნველყოფის პროტოკოლები	HSRP, GLBP, VRRP
FLASH მეხსიერება	256 megabyte
ოპერატიული მეხსიერება	512 megabyte
მაქსიმალური ზომა რეკში	2U
Lan Port Installation	Modular LAN switchports (with optional Power over Ethernet) 50
Fast Switching	299,000PPS/ 153.08Mbps
VPN წარმადობა	70 mbps

VPN ლიცენზია	VPN გამტარობაზე ლიცენზიური შეზღუდვა არ უნდა ქონდეს
--------------	---

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

SPA-----

ქ. თბილისი

----- 2013 წ.

ერთის მხრივ ს.ს.ი.პ. „საქართველოს საკანონმდებლო მაცნე“, შემდგომში – „შემსყიდველი“, წარმოდგენილი მისი თავმჯდომარის მოვალეობის შემსრულებლის ჯონი კვინიკაძის სახით და მეორე მხრივ -----, შემდგომში – „მიმწოდებელი“, წარმოდგენილი მისი დირექტორის ----- სახით წინამდებარე ხელშეკრულების საფუძველზე თანხმდებიან შემდეგზე.

მუხლი 1. ხელშეკრულებაში გამოყენებულ ტერმინებს აქვთ შემდეგი

მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

მუხლი 2. ხელშეკრულების საგანი

- 2.1 „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად შემსყიდველმა გააფორმა ხელშეკრულება მიმწოდებელთან გამარტივებული ელექტრონული ტენდერის საშუალებით.
- 2.2 წინამდებარე ხელშეკრულების საფუძველზე განხორციელდეს საქართველოს საკანონმდებლო მაცნესათვის ----- შესყიდვა.
- 2.3 კლასიფიკატორის შესაბამისი კოდი 45400000.

მუხლი 3. ხელშეკრულების ჯამური ღირებულება

- 3.1 შესყიდვის საერთო ღირებულება შეადგენს ----- (-----) ლარს, საქართველოს კანონმდებლობით გათვალისწინებული ყველა გადასახადის გათვალისწინებით.
- 3.2 ერთეულის ფასი ----- ლარი.

მუხლი 4. საქონლის შესაბამისობა

- 4.1 ხელშეკრულების მეორე მუხლით გათვალისწინებული შესყიდვა უნდა შეესაბამებოდეს მსგავსი შესყიდვებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

4.2 ხელშეკრულებაში აღნიშნული ნებისმიერ გადახვევის შემთხვევაში შემსყიდველი უფლებამოსილია არ მიიღოს საქონელი ან მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული პასუხისმგებლობის ზომები.

4.3 შემსყიდველია არ არის ვალდებული სრულად აითვისოს ხელშეკრულებით გათვალისწინებული ობიექტები.

მუხლი 5. საქონლის მიწოდების პირობები

5.1 შესყიდვის გაწევა განხორციელდება შემსყიდველის მოთხოვნის შესაბამისად, ხელშეკრულების მოქმედების განმავლობაში.

5.2. შემსყიდველი ორგანიზაცია ყოველი კონკრეტული შესყიდვის დროს მიწოდებული პროდუქციის ღირებულების შესაბამისად მიმწოდებელთან მიწოდებულ მიწოდებულ საქონელზე აფორმებს მიღება ჩაბარების აქტს. ამასთან, შემსყიდველი არ არის ვალდებული სრულად აითვისოს (მოითხოვოს) ხელშეკრულებით გათვალისწინებული შესყიდვის ობიექტი.

მუხლი 6. ანგარიშსწორების პირობები

6.1. ანგარიშსწორება მხარეთა შორის ხორციელდება უნაღდო ანგარიშსწორების წესით, მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში.

6.2 მხარეთა შორის ანგარიშსწორება წარმოებს ლარებში.

მუხლი 7. მხარეთა უფლებები და ვალდებულებები

7.1. შემსყიდველი კისრულობს ვალდებულებას:

7.1.1 დროულად აანაზღაუროს მოწოდებული პროდუქციის ღირებულება.

7.1.2 აწარმოოს მოწოდებული პროდუქციის ხარისხისა და მოცულობის კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს მისი აღმოფხვრის მიზნით.

7.1.3 განაცხადოს უარი უხარისხო პროდუქციის მიღებაზე.

7.2 მიმწოდებელი კისრულობს ვალდებულებას:

7.2.1 `შემსყიდველს` მიაწოდოს უნაკლო საქონელი.

7.2.2 უზრუნველყოს მიწოდებულ საქონელზე გამოვლენილი დეფექტებისა და ნაკლოვანებების აღმოფხვრა საკუთარი ხარჯებით.

მუხლი 8. მხარეთა პასუხისმგებლობა

8.1. ხელშეკრულებით გათვალისწინებული პირობების დარღვევის შემთხვევაში, როგორც ერთი ასევე მეორე მხარე იხდის პირგასამტეხლოს გადასახდელი თანხის 0,1%-ს ყოველ გადაცილებულ დღეზე.

8.2 საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

8.3 მხარე უფლებამოსილია შეწყვიტოს ხელშეკრულება თუ პირგასამტეხლოს ოდენობა მიაღწევს ხელშეკრულების ღირებულების 1 %-ს.

მუხლი 9. ხელშეკრულების ძალაში შესვლა და მოქმედების ვადები

9.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2013 წლის 31 დეკემბრის ჩათვლით.

მუხლი 10. ხელშეკრულების პირობების ინსპექტირება

10.1 `შემსყიდველს` უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი `მიმწოდებლის` მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების კონტროლს `შემსყიდველის` მხრიდან ახორციელებს უფლებამოსილი პირი, -----, რომელიც არ იმყოფება მიმწოდებელთან ინტერესთა კონფლიქტში -----.

10.2 `მიმწოდებელი` ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 11. სპეციფიკური პირობები

11.1 წინამდებარე ხელშეკრულების მოქმედების ვადის განმავლობაში მხარეები თანხმდებიან, რომ მიმწოდებლის მიერ შემსყიდველისათვის მიწოდებული პროდუქციის საფასური არ შეიცვლება.

11.2 ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი შესრულება.

11.3. წინამდებარე ხელშეკრულებით განსაზღვრული პირობების დარღვევით მიყენებული ზიანი ანაზღაურდება საქართველოს მოქმედი კანონმდებლობით გათვალისწინებული წესების შესაბამისად.

მუხლი 12. ფორს-მაჟორი

12.1. წინამდებარე ხელშეკრულებით გათვალისწინებული პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

12.2. „დაუძლეველი ძალის“ ქვეშ იგულისხმება გარემოებები (სტიქიური უბედურება, ეპიდემია, საომარი მდგომარეობა და ა.შ.), რომლებიც არ არსებობდა წინამდებარე ხელშეკრულების გაფორმების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაელახათ.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 13. ხელშეკრულების პირობების გადასინჯვა

13.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ.

13.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13.3. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

მუხლი 14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ

დაუყოვნებლივ უნდა უნდა გაუგზავნოს მეორე მხარეს წერილობით შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

მუხლი 15. დავათა განხილვის წესი

- 15.1. მხარეები შეეცდებიან ურთიერთმოლაპარაკების საფუძველზე გადაჭრან მათ შორის არსებული ყველა სადაო საკითხი.
- 15.2. თუ მოლაპარაკების მიუხედავად მხარეებმა ვერ მიაღწიეს შეთანხმებას, ნებისმიერ მხარეს უფლება აქვს დავის გადაწყვეტის მიზნით მიმართოს სასამართლოს.

მუხლი 16. ხელშეკრულების შეწყვეტა და მოშლა

- 16.1 მხარეებს შეუძლიათ წერილობითი შეთანხმების საფუძველზე შეწყვიტონ ხელშეკრულება.
- 16.2 მხარეს შეუძლია მეორე მხარისათვის წერილობითი შეტყობინების საფუძველზე მოშალოს ხელშეკრულება, თუ ხელშეკრულების პირობების შესრულებამ აზრი დაკარგა.
- 16.3. ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული შეწყვეტის შესახებ, რომელიც წერილობით უნდა ეცნობოს მეორე მხარეს.
- 16.4. მიმწოდებელს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - ა) თუ მიმწოდებლისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) საქართველოს კანონმდებლობით გათვალისწინებულ სხვა შემთხვევებში.

მუხლი 17. ზოგადი დებულებები

- 17.1. არცერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 17.2. ხელშეკრულებაში ცვლილებები და დამატებები შეიძლება შეტანილი იქნეს ორივე მხარის წერილობითი თანხმობით.
- 17.3. ხელშეკრულება შედგენილია ორ ეგზემპლარად და ორივეს გააჩნია თანაბარი იურიდიული ძალა.

მუხლი 18. მხარეთა რეკვიზიტები

შემსყიდველი:

ქ. თბილისი, გორგასლის ქ. №24

ტელ: 240 58 24; 240 59 18

სს „თი ბი სი ბანკი“ მარჯანიშვილის
ფილიალი

ანგარიშსწორების ანგარიში: GE68TB11

00000100609506

ბანკის კოდი: TBCBGE 22

საიდენტიფიკაციო კოდი: 203862622

ჯონი კვინიკაძე

მიმწოდებელი:

ქ. თბილისი, -----

ტელ: -----

სს -----

ბანკის კოდი: -----

საიდენტიფიკაციო კოდი: -----

აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავიტს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.